



REBOLUSYONARYO A PAGIWARNAK TI UMILI ITI AMIANAN-LAUD A LUZON


DANGADANG

Espesyal nga Isyu Marso 2019

Tawen 33 Bilang 2

P10.00

IPASA NO MABASA



**IYABANTE TI GUBAT
TI UMILI INGGANA
ITI BALLIGI!**

Dagiti pablaak para iti anibersaryo ti
maika-50 a tawen ti BHB
Marso 29, 2019

IYABANTE TI GUBAT TI UMILI INGGANA ITI BALLIGI!

Mensahe ti Komiteng Tagapagpaganap, Komite ti Rehiyon ti Ilocos-Cordillera para iti maika-50 nga anibersaryo ti Bagong Hukbong Bayan



Iti panangrampak iti maikalimpulo nga anibersaryo ti pannakaitakder ti Bagong Hukbong Bayan (BHB), itag-ay tayo dagiti balligi ti limapulo a tawen a narimat a panangiyabante ti BHB ken ti umili a Pilipino ti gubat ti umili iti uneg ti natibker a panangidaulo ti Partido Komunista ti Pilipinas (PKP).

Itded tayo ti kangatuan a pammadayaw ken panagsaludo kadagiti martir ti armado a rebolusyon – dagiti kadre ken kameng ti PKP, dagiti natutered a kumander ken mannakigubat ti BHB, dagiti lider ken kameng dagiti rebolusyonaryo nga organisasyon

masa ken dadduma pay a masa – a nangidaton ti biag tapno umabante ti gubat ti umili ken magun-od ti nadanon a tukad iti agdama.

Iti sango ti nakaro a kinarigat ken pannakaidadanes a sagsagrapien ti naruarya nga umili a Pilipino iti uneg ti terorista a rehimen a US-Duterte, ipanpanawagan tayo ti napnuan regta a panangpairteng iti gubat ti umili, tapno makipaset iti panangpadisi iti diktadura a Duterte ken kumprehensibo a maiyabante ti demokratiko a rebolusyon ti umili iti nangatngato a tukad inggana a magun-od ti naan-anay a balligi ken maitakder ti sosyalismo iti masakbayan.

Ti krisis iti pagbiagan ket pinakaro pay ti agsasaruno a kalamidad a nangipaay ti nasaknap a perdi iti agrikultura. Ad-adda a maisagmak iti dumagdagsgen a kinakurapay ken bisin ti ginasut a ribu a mannalon a saan pay a nakabangon manipud iti saplit ti Ompong ken Rosita ket nadidigra manen iti nakaro a tikag.

Awan ti sinsero a sungbat ti rehimen a US-Duterte iti nakakaskas-ang a kasasaad dagiti batayan a masa a nailumlom iti nakaro a kinarigat. Imbes ket gagastosen na ti kinabaknang ti pagilian kadagiti dadakkel a proyekto iti imprastruktura nga agserserbi kadagiti imperyalista, modernisasyon dagiti ramit panggubat ken militarisasyon.

Ti laeng solusyon a maited ti rehimen ket ti karkaro pay a panagtulnog kadagiti imperyalista ken dagiti manangallilaw ken 'band-aid' a programa a kas iti 4Ps, Universal Health Care, bogus a programa iti daga ken dagiti kari a saan a natungpal. Ad-adda nga agsusuek ti pagbiagan dagiti mangmangged, mala-mangmangged ken mannalon kasta met dagiti agtengtengnga a dasig gapu iti todo a panangipatungpal ti rehimen kadagiti neoliberal a patakaran a pang-ekonomiya kas iti TRAIN Law, Rice Tarrification Law ken jeepney phaseout. Bagsak ti presyo ti amin a produkto ti mannalon karaman ti pagay ken lasona gapu iti panaglayus dagiti imported nga agrikultural a produkto gapu iti todo a liberalisasyon ti merkado. Awan ti



Ti *Dangdang* ket rebolusyonaryo a pagiwarnak iti Amianan-Laud a Luzon iti tarabay ti PARTIDO KOMUNISTA ti PILIPINAS. Maipablaak ditoy dagiti damdamag kadagiti aksyon ti Bagong Hukbong Bayan ken dangadang ti umili kasta met ti panagamiris kadagiti isyu a pakaseknan ti umili.

Silulukat ti *Dangdang* iti aniaman a saludsod, dillaw, singasing, koresponsal ken pangkultura a parnuay tapno mapadur-as ti linaon na.

Pagtitinnulongan tayo a padur-asen ti *Dangdang*. Ti sangapulo a piso a presyo ti pagiwarnak ket bassit a donasyon tapno suportaran ti agtultuloy a pannakairuar na.

Napalalo a Kinarigat, Bisin ken Panangidadanes iti Uneg ti Tiraniko a Rehimen a US-Duterte

Napartak ti panagkaro ti krisis ken panagrupsa ti malakolonyal ken malapyudal a sistema ti pagilian iti uneg ti rehimen a US-Duterte. Iti laksid dagiti saywar ti rehimen a "panagdur-as" ti ekonomiya ti pagilian, nalawag ti amin nga indikasyon a lalo a mailumlumlom dagiti marigrigat a masa ken agtengtengnga a dasig iti kinarigat. Ti laeng mailastog na daytoy a rehimen ket ti panangpatay iti nasurok 20,000 nga umili iti uneg ti agtultuloy a kampanya a kontra-droga. Ad-adda a lumawlawag iti naruarya nga umili a ti laeng nagkaykaysa a panaglapan ken ti armado a rebolusyon ti kakaisuna a manggibus iti agsisinumbangir a nakaro a kinarigat ken panangidadanes a sagsagrapien da.

puodno a panagdur-as a maipaay dagiti dadakkel nga impraistraktura a maipatpatungpal iti uneg ti programa a Build, Build, Build kadagiti mangmangged ken mannalon, a ponpondoan ti nagdakkelan nga utang iti China. Ti ibambandera ti rehimen a Chico River Pump Irrigation Project (CRPIP) idia y Kalinga ken dadduma pay

a kapada a proyekto iti impraistraktura ket kangrunaan nga agserserbi iti pang-ekonomiya nga interes dagiti imperyalista a Tsino a makaakup ti dakkel a ganansya manipud kadagitoy a proyekto. Lalo pay nga inlukat ti rehimen ti pagilian iti karkaro a pananggamgam dagiti imperyalista a kumpanya kadagiti natural a rekurso ti pagilian, kangrunaan dagiti kapitalista iti minasan, enerhiya ken dagiti plantasyon iti agrikultura.



Tapno maisigurado a maprotektaran dagiti negosyo, proyekto ken kabuklan a pangpulitika ken pang-ekonomiya nga interes dagiti imperyalista ken lokal nga agar-ari a dasig iti pagilian, iwaswasawas ti rehimen ti umir-irteng a pasista a panag-atake iti nalawa a kaaw-awayan ken syudad. Ti estratehiya a 'Whole of Nation Approach' iti esensya ket panangipauneg ti sibil a burukrasya iti kontrol ken diktar ti militar no sadino ket agraraira ti saan a deklarado a Martial Law iti intero a pagilian. Malaksid iti panangipuesto kadagiti dati a heneral ti AFP ken PNP iti kaaduan nga ahensya ti guberno, mapupuersa ken mabalballaagan dagiti LGU, ahensya ti guberno, simbaan ken dadduma pay nga NGO tapno naan-anay nga usaren dagitoy iti kontra-rebolusyonaryo ken kontra-umili a programa. Nasaknap a maok-okuparan, maal-allilaw ken mapabpabutngan dagiti komunidad iti kaaw-awayan babaen kadagiti 'peace and development team' wenna PDT ti AFP-PNP. Basar iti plano ken kontrol ti AFP-PNP ken ti Office of the Presidential Adviser for the Peace Negotiations (OPAPP) a kontrolado na met laeng, maiyar-aramid dagiti bogus a lokal a tungtongan iti kappia kadagiti barangay ken munisipyo no sadino ket puersado a maurnong dagiti umili, mapabutngan, maibabain ken maiparang kas 'nagsurender nga NPA.' Ti programa nga E-CLIP ket maysa laeng a raket dagiti opisyal ti militar nga aganganansya iti innaduan a panagpasurender kadagiti sibilyan kas NPA.

Ken tapno lalo a pabutngan dagiti lumablabaan nga umili, mailislista ken mapatpatay dagiti aktibista ken lider masa a target dagiti death squad ni Duterte.

Iti kinadesperado a lapdan ti napardasa pannakaisina ti tiraniko a rehimen iti nalawa nga umili, todo dagiti

maniobra na tapno maisigurado a mangabak ti mayorya dagiti paspasurot daytoy iti Senado, kongreso ken lokal a guberno iti umay nga eleksyon. Iti adu a lugar iti rehiyon, direkta a maus-usar ti ranggas, narugit a taktika ken panagagatang ti botos a nakaro a panaglasing iti demokratiko a karbengan ti umili.

Naparang a maaramat ti makinarya ti AFP-PNP laban kadagiti progresibo nga organisasyon a partylist ken kandidato babaen iti panangbutbuteng, red tagging ken panagranggas. Maus-usar dagiti rekurso ti AFP-PNP kas kadagiti helikopter a mangiwarwaras kadagiti polyeto laban kadagiti progresibo nga organisasyon a

partylist ken mangipanpanawagan ti panagsurender kadagiti sibilyan a sumupsuporta iti CPP-NPA.

Natibker nga Umab-abante ti Gubat ti Umili iti Rehiyon

Manipud idi niluktan ti BHB ti umuna a sona a gerilya iti rehiyon idi 1971, natibker a naiyabante ti armado a rebolusyon inggana a nasaklaw ti amin a probinsya ken nganngani amin a distrito iti rehiyon. Manipud iti panawen ti narungso a turay militar ti diktadura a US-Marcos inggana iti nadangdangkok a tiraniko a diktadura ti rehimen a US-Duterte iti agdama, naballigi a pinaay ken agtultuloy ti panangpaay ti BHB iti rehiyon kadagiti nagsasaruno a kontra-insurhensya a kampanya ken programa. Babaen iti natured a panaglaban, pannakilaok ti narua a masa ken nairut a panang-iggem kadagiti husto a prinsipyo, nagtultuloy a nagpapgisa ti BHB iti rehiyon.

Iti agdama, pursigido nga ikagkagumaan ti BHB iti rehiyon a rimbawan ti sumagmamano nga agraraira a tedda ti konserbatismo iti pulitika ken militar; ken manipud ditoy ket napardas nga agpapgisa tapno gumiddan iti panagabante ti gubat ti umili iti intero a pagilian agturong iti nangatngato a tukad. Pammaneknek ditoy ti naballigi a panangpaay iti kampanya ti kabusor laban iti BHB babaen kadagiti taktikal nga opensiba ken dadduma pay nga aksyon militar a nagmurdong iti naballigi a reyid iti maysa a detatsment ti PA-CAFGU idia y Kalinga idi Disyembre 2018 no sadino ket nasamsam ti BHB ti 32 nga armas. Itultuloy ti BHB iti rehiyon ti panagpursigi a mangirussuat kadagiti umad-adu a taktikal nga opensiba tapno salakniban ti karbengan ti umili, ipatungpal ti pudno a reporma iti daga ken dusaen

dagiti napeklan a kontra-rebolusyonaryo ken kontra-umili tapno manipud ditoy ket makaala ti ad-adu nga armas para kadagiti nayon a pormasyon.


Situtured nga Itag-ay ti Nalabaga a Bandera ti Armado a Rebolusyon

Maipanawagan iti amin a kumander ken mannakigubat ti BHB ken iti amin a rebolusyonaryo a puersa a pairtengen ti panaglaban iti rehimen a US-Duterte. Kasapulan a buklen ti kalalawaan a panagkaykaysa ken panaglaban ti umili tapno mapatakias ti tiraniko a rehimen iti poder. Masapul a gammatan ti nakaro a gura ken pungtot ti napardas a lumawlawwa nga intar ti umili laban iti agturturay a rehimen tapno napartak a mariing, maorganisa ken mapatignay ti kalawaan nga intar para iti panangiyabante ti naindasigan nga interes da ken ti armado a rebolusyon. Ken babaen ditoy ket kumprehensibo nga agpapigsa ken iyabante ti gubat ti umili iti sumarsaruno a nangatngato a tukad.

Napnuan regta a labanan ken paayen ti naranggas a kontra-umili nga Oplan Kapayapaan ti napardas a maisinsina a terorista a rehimen. Kasapulan a rimbawan ti masa ti nakaro a panangbutbuteng ti kabusor. Rumbeng laeng nga ingget-tured nga ilaban dagiti basaran a kiddaw ken naregta nga iyabante dagiti antipyudal a dangadang masa. Iti agdama a panawen, iyabante ti nasaknap a tignayan masa tapno labanan ti nakaro a kinarigat ken bisin gapu kadagiti agsasaruno a kalamidad ken dadduma pay a nakaro nga isyu iti pagbiagan kas iti panagbagsak ti presyo ti pagay,

pananggato ti presyo dagiti gagatangen ken nasaknap a panangagaw kadagiti daga. Itatta a panawen ti eleksyon, idatag ti masa ti karit kadagiti pulitiko – a no agpayso nga agserserbi da iti umili ket sungbatan da ti arungaing ti masa imbes a gasgastosen ti nakurakot a pondo ti umili iti panagatang kadagiti botos ken panagpondo kadagiti armado a goons. Ingget-kabaelan nga ibutaktak ken labanan dagiti pasista nga atake ken panangbutbuteng.

Napardas a papigsaen ti BHB tapno mabukel dagiti nayon a pormasyon a platun ken maitaker dagiti kadakkel-kumpanya a larangan gerilya. Kumprehensibo a papigsaen ti base a masa ti armado a rebolusyon iti kaaw-awayan babaen iti nasayaat a panangipatungpal iti tallo nga integral a rebbengen ti panagbukel ti base a masa, panangiyabante iti agraryo a rebolusyon ken armado a pannakidangadang. Iti sango ti umir-irteng a nailian a panangidadanes ken agresyon dagiti imperyalista a kumpanya, sibubukel a patignayen ken palaoken dagiti tribu ken komunidad ti nailian a minorya ti Cordillera iti armado a rebolusyon.

Pairtengen pay dagiti taktikal nga opensiba ken ikkan ti talmeg dagiti opensiba a makasamsam ti armas manipud iti kabusor. Naregta a patignayen ti intero nga umili para iti gubat tapno paayen ti 'Whole of Nation Approach' ti kabusor. 

Siregta ken situtured a labanan ti Oplan Kapayapaan!

Patakiasen ti rehimen a US-Duterte!

Iyabante ti gubat ti umili iti sumarsaruno a nangatngato a tukad inggana a magun-od ti balligi!

GUMILGIL-AYAB TI APOY TI GUBAT TI UMILI!

Ka Martin Montana
Tagapagsarita
Chadli Molintas Command
BHB-Ilocos Cordillera
Marso 29, 2019

Iti selebrasyon ti maika-50 nga anibersaryo ti pannakaitakder ti Bagong Hukbong Bayan, inrussuat ti Leonardo Pasi Command (LPC) ti BHB-Mountain Province ti tallo a nagsasaruno a taktikal nga opensiba laban kadagiti agop-operasyon a tropa ti Regional Mobile Force Battalion (RMFB) 15 ken Special Action Force (SAF) ti Philippine National Police (PNP) ken ti 54th IB ti Philippine Army (PA). Kas resulta dagitoy nga opensiba, tallo ti natay bayat a 13 met ti nasugatan iti benneg ti kabusor.

Idi Marso 29, maysa a yunit ti LPC ti nangharas kadagiti tropa ti 1502nd Company ti RMFB 15-

PNP idiy Mt. Kapuwaw, Brgy Bagnen Oriente, Bauko, Mountain Province.

M a y s a manipud iti tropa ti kabusor ti natay bayat a



nasugatan met ti maysa. Idi Marso 31, maysa manen a yunit ti LPC ti nangharas kadagiti tropa ti 54th IB nga ag-pursuit operation iti baet ti Bagnen Oriente, Bauko ken Bantey, Tadian. Maysa nga elemento ti 54th IB ti napatay. Ken idi Abril 2, inambus ti LPC ti nagtipon a tropa ti RMFB 15 ken Special Action Force (SAF) ti PNP ken 54th IB a madama met laeng ti pursuit operation idiy Sitio Cabunagan, Poblacion, Tadian, Mountain Province. Naglak-am ti kabusor ti maysa a natay ken siyam ti nasugatan iti daytoy a labanan.

Dagitoy a naballigi a taktikal nga

opensiba ket mangitulod ti nalawag a mensahe iti tiraniko a rehimen a US-Duterte - a ti gubat ti umili nga iyun-una ti BHB iti uneg ti husto ken natibker a panangidaulo ti Partido Komunista ti Pilipinas (PKP) ket tuloy-tuloy nga umab-abante ken agturturong iti pananggun-od kadagiti dadakkel pay a balligi.

Ti mayorya ti umiliket nailumlom iti kumarkaro a kinarigat gapu iti sibubukel a panangipatungpal kadagiti neoliberal a patakaran ken programa iti ekonomiya a ti agnam-ay laeng ket dagiti imperyalista, dadakkel a kapitalista ken apo't daga. Bayat a dagiti masa ket agsagsagaba iti saan a mailadawan a kinarigat, kanayon da a mabikbiktima ti narungsot a pasismo nga inbulos ti rehimen a nagagar a pumatay. Nasurok 20,000 a sibilyan ti natayen iti naranggas a 'gyera kontra-droga' ken kontra-umili a gyera ti despotiko nga administrasyon a Duterte.

Iti kumarkaro a kinarigat ken umir-irteng a panaglipit, narimbaw ti kinaawan namnama iti dakkel a mayorya ti umili. Nakalawlawagen kaniada nga awan ti dadduma a solusyon no di patibkeren ti intar da ken pairtengen dagiti militante a dangadang para kadagiti basaran a kiddaw, labanan ti pasista a diktadura ken aktibo a makipartisipar iti nailian demokratiko a rebolusyon babaen iti gubat ti umili. Ti armado a rebolusyon laeng ti mangitunda ti pudno a panagbalbaliw ken manggibus iti panagsagaba ken kinapanglaw ti masa.

Dagiti kumand ti BHB iti nadumaduma a larangan gerilya ken probinsya ti rehiyon ket nangikagumaan a tumungpal iti panawagan ti PKP a pairtengen dagiti taktikal nga opensiba laban iti rehimen a US-Duterte. Manipud 2018 inggana iti umuna a kuarto ti 2019, nabaelan ti BHB ti rehiyon a mangisayangkat kadagiti naballigi nga opensiba laban iti AFP-PNP-CAFGU a naglak-am ti 52 a kaswalti no sadino ket

19 ti natay ken 33 ti sugatan. 12 a CAFGU ti natiliw iti labanan ken dagus a nawayaan. Agdagup a 36 nga armas ti nakumpiska manipud iti kabusor. Iti bangir na, maysa a Nalabaga a mannakigubat ti nagmartir iti labanan. Nalawag a balligi a pinaay ti BHB ti atake ti Oplan Kapayapaan iti rehiyon ken itultuloy na a papaayen daytoy.

Natibker nga agserserbi ken lumablaban para iti interes ti masa, ti BHB ket agtultuloy nga inspirasyon ti umili iti determinado a pannakidangadang laban iti dasig a manangidadanes k e n



mananggunday. Napinget iti panangiyabante ti armado a pannakidangadang bayat a supsuportaran dagiti mannalon iti panangiyabante iti militante a dangadang para iti reporma iti daga ken panangitakder iti solido a base a masa ti armado a rebolusyon iti kaaw-awayan, agserserbi ti BHB kas adigi ti namnama kadagiti

marigrigat ken magungundawayan.

Gapu ta ipatpateg ti masa, ti BHB ket saan a mabuteng kadagiti desperado ngem ubbaw a pangta ti agmauyong a despotiko a ni Duterte ken dagiti armado a paspasurot na a gibusan ti armado a rebolusyon. Idi agrusrusing pay laeng daytoy, naballigi a pinaay ti hukbo ti umili ti narungsot a panggep ti diktadura a US-Marcos a rebbeken ti armado a rebolusyon. Iti panangrimbaw kadagiti nadangkok a kampanya ti panangikuspil ti mas superyor a reaksyunaryo a puersa, napardas a dimmakel ti BHB ken naiyabante ti gubat ti umili iti tukad a nangted ti dakkel a tulong iti panagbagsak ti

napalalo a magurgura a rehimen. Nagsasaruno a linabanan ken nirimbawan na ti amin a kontra-umili ken kontra-rebolusyonaryo a kampanya nga inrusuat dagiti nagsisinnublat a reaksyunaryo a rehimen. Babaen ditoy, dimmakel daytoy ken nagbalin a kadadakkelan ken kapigsaan a rebolusyonaryo a hukbo iti pakasaritaan ti pagilian. Natenneb iti limapulo a tawen ti naindasigan a gubat, napinget nga inyabante ti hukbo ti umili ken rebolusyonaryo a masa ti armado a pannakidangadang tapno magibusan ti naindasigan a panangidadanes ken panaggunday ken mawayawayaan ti umili ken pagilian manipud iti imperyalista a dominasyon, pyudal a panang-adipen, korapsyon ken pasismo ti estado.

Kagiddan ti umir-irteng a panaglaban ti umili iti tiraniya, ti BHB iti Ilocos-Cordillera ket ad-adda a determinado a mangrimbaw iti konserbatismo militar tapno makaited iti dadakkel a kontribusyon iti nailian a panggep nga iyabante ti gubat ti umili iti nangatngato a tukad kadagiti sumarsaruno a tawen ken magun-od ti naan-anay a balligi iti umadani a masakbayan.

Agpapigsa para iti amin-a-benneg a panagabante! Iyabante ti gubat ti umili inggana iti balligi!

Ka Tipon Gil-ayab

Tagapagsarita

Lejo Cawilan Command-Bagong Hukbong Bayan Kalinga

Maysa a nabara a panagsaludo iti amin a Nalabaga a kumander, dagiti opisyal ken mannakigubat ti Bagong Hukbong Bayan para iti naimbalitukan a tawen ti pannakaitakder daytoy kas pudno a hukbo ti umili a Pilipino! Militante a panangkablaaw met iti amin a kadre ken kameng ti Partido Komunista ti Pilipinas nga awanan bannog a mangtartarabay ken mangidadaulo iti armado a pannakidangadang kas panangbigbig a daytoy ti kangrunaan ken kangatuan a porma ti panaglaban iti agturturay ken managgunday a dasig. Kasta met a rumbeng laeng nga ited ti kangatuan a panagsaludo iti amin a rebolusyonaryo a martir, no sadino ket 170 ti martir a naggapu iti Kalinga. Isuda dagiti kakadua a saan a nagduadua ken awanan panagimbubukod a nangidaton ti pigsa, sirib ken biag para iti panagabante dagiti rebolusyonaryo a tarigagay tayo.

Adayo metten ti nadanon tayo ken adun dagiti naurnong a balligi ken adal manipud idi naitakder ti BHB idi Marso 29, 1969. Pito a tawen kalpasan na daytoy, nadanon ti BHB ti probinsya ti Kalinga idi 1976 idiay paset ti Lubo, Tanudan no sadino nga inkagumaan na daytoy a nagpalawa ken nagorganisa. Iti agdama, kalpasan dagiti panagabante iti IPO a trabaho, dagiti kinarigat ken panagatras gapu iti kamali a linya, agtultuloy a nakatakder ken agserserbi ti BHB iti masa a magungundayan iti probinsya ken iti nailian a saklaw.

Kas idi tiempo ti pannakidangadang laban iti Chico Dam 1-4 ti diktadura a Marcos, sangsanguen manen ti umili ti umir-irteng a pangta laban iti biag, kinabaknang ken masakbayan iti uneg ti rehimen a US-Duterte. Maawagan a berdugo ti rehimen

gapu kadagiti awan sarday a pampapatay iti nagan dagiti kontra-umili a gyera. Ipampambar na daytoy ti pagimbagan ken masakbayan ti umili para iti agtultuloy a panangilako kadagiti ancestral a daga ken rekurso ti pagilian kadagiti gangannaet ken lokal a kapitalista tapno makaakup kadagiti ginasut a bilyon a pautang ken pondo a mapan met iti korapsyon. Mapakpakaro ti baet dagiti agturturay a dasig ken marigrigat a Pilipino babaen iti panangputar kadagiti linteg ken patakaran a pang-ekonomiya nga agserserbi iti interes dagiti gangannaet, apo't daga ken burgesya kumprador kas iti TRAIN Law, Rice Tariffication ken Jeepney Phaseout.

Iti Kalinga, nagrugin ti konstruksyon ti agbalor ti 4.37 bilyon piso a Chico River Pump Irrigation Project (CRPIP) a napondoan manipud iti pautang ti China. Maysa a korporasyon a Tsino, ti CAMC Engineering Co., ti mangitaktakder iti proyekto no sadino ket dagiti mangmangged a Tsino met laeng ti agrabtrabaho.

Kasta met a naiwaras iti intero a probinsya ti nadumaduma a proyekto a pang-enerhiya kas iti dam ken geothermal. Agtultuloy ti panangallilaw ken pananglipit ti kumpanya a Chevron-Aragorn kadagiti umili ti Pasil, Lubuagan ken Tinglayan tapno maiduron ti plano a geothermal power plant a mangagaw iti mano nga ektarya a kadagaan ti umili kadagiti nasao a munisipyo.

Manipud pay idi inggana itatta, dagitoy a managdadael ken manangallilaw a proyekto ket kasilpo ti umir-irteng a pasismo iti intero a probinsya. Dagiti berdugo a Philippine Constabulary-Integrated National Police (PC-INP) idi ket aglanglanga itatta kas PNP a kadua ti AFP iti panangisaknap ti buteng iti intero a pagilian. Ken ti dati a paspasurot da nga Integrated Civilian Home Defense Force (ICHDF) ket isu ti terorista a CAFGU itatta. Agtultuloy ti nasaknap a rekrutment dagitoy ken uray kadagiti paramilitar a kas iti terorista a CPLA. Agtultuloy met ti panagkampo dagiti reaksyunaryo nga armado kadagiti pangpubliko



a lugar, balbalay ken panangpilit a mangitakder ti detatsment iti uneg dagiti baryo. Awan ti dadduma nga ipaay daytoy no di buteng, pannakadisturbo ken panaglalsing iti karbengan ti umili.

Ngem kas kadagiti dangadang masa laban iti Chico Dam, Cellophil Resources ken Batong Buhay Gold Mines idi, dagitoy a manangdadael a proyekto ket supsuppiaten ken lablabanan ti umili. Aktibo a supsuppiaten ti masa ti Karayan Dam. Napigsa ken tuloy-tuloy ti oposisyon laban iti panangagaw ti Chevron-Aragorn iti ansestral a daga dagiti tribu idia y Pasil-Lubuagan-Tinglayan. Nakasagana ti masa nga ilaban dagiti karbengan da. Agtultuloy ti naurnos a panagtignay tapno idatag ti takder da kadagiti isyu a sangsangoen. Agtultuloy ti panangsingir ti masa ti relief ken rehabilitasyon iti gubyrno kalpasan dagiti kalamidad kas iti Bagyo a Rosita ken Ompong kasta met iti sagsagrapien a tikag iti agdama.

Kas sungbat, ikagkagumaan ti BHB nga ad-adda nga ipatungpal dagiti responsibilidad nga iyabante ti interes ti masa a pangserserbian na iti tay-ak ti ekonomiya, pulitika, militar ken kultura.

Dagiti naballigi nga aksyon militar kas kadagiti kaunaan a taktikal nga opensiba ti BHB idi 1977 idia y Kallasan, Lubo, Tanudan laban iti mersenaryo a 55th IB-PA ken ti reyd iti CAA detatsment idia y Ag-agama, Western Uma, Lubuagan itatta ket sumagmamano laeng kadagiti ehemplo ti panangipatungpal ken panangaywan iti pagimbagan ti umili.

Dinanon ti BHB iti Kalinga iti napalabas ti pigsa't batalyon a puersa ti pultaym a hukbo ken ti kadakkel ti platun a puersa ti milisyang bayan iti tunggal baryo ti probinsya bayat nga ikagkagumaan a nasayaat nga ipatungpal ti rebbengen iti panagbukel ti base a masa ken panangiyabante iti agraryo a rebolusyon. Naitakder ti sumagmamano nga organo ti demokratiko a gubyrno ti umili iti probinsya bayat a maipangpangato ti produksyon ken agrilkultura. Limapulo a tawenen a pinaneknekan ti BHB a daytoy ket maysa a kumprehensibo a hukbo nga agserserbi iti interes dagiti masa a maidadan.

Sinango, linabanan ken narimbawan ti BHB ken ti masa dagiti nagsasaruno nga operation plan (oplan) dagiti napalabas a rehimen kas iti Oplan Lambat-Bitag 1-4, Oplan Bantay Laya ken Oplan Bayanihan

nga agpangpanggep a buraken ti rebolusyonaryo a tignayan ken iti agdama ket napinget a sangsangoen ken lablabanan ti amin-a-benneg a gyera ti rehimen a US-Duterte.

Dimmalan tayo iti maysa a tukad ti pannakaisiasi ngem naikagumaan a bimmangon babaen iti panaglagom, panagadal ken silulukat nga aktitud a mangilinteg. Dagitoy a kamali ket nangted ti dangran iti tignayan ngem iti panggep tayo a maibangon ti nainkalinteg a gimong, agtultuloy ti panangilinteg,


panagdidinilla w, panagamiris ken panagpursigi babaen iti tulong ti kaabantean a teorya a Marxismo-Leninismo-Maoismo.

Itatta, karit kadagiti Nalabaga a kumander ken mannakigubat nga agtultuloy nga agpadur-as iti amin a tay-ak ti trabaho bayat a kumprehensibo a sangsanguen ti kumarkaro a krisis ti bulok a gimong ken ti umir-irteng a pasismo ti estado. Kasapulan ti amin-a-benneg a panagabante tapno magun-od ti tarigagay a maragpat ti abante a tukad ti estratehiko a depensiba kadagiti sumarsaruno a tawen. Kasapulan nga agpadakkel ken agpapigsa

ti puersa bayat a parpartuaten dagiti kasasaad para iti panangitakder ti demokratiko a gubyrno ti umili ken ti panangiyabante ti agraryo a rebolusyon a sungbat iti kinarigat a mapaspasaran ti masa nga anak ling-et. Katinnulong ti masa a pagserserbian, ikkan tayo ti talmeg ti panagpadakkel ken panangpapigsa iti intar babaen iti naregta a panagpasampa manipud iti intar dagiti mannalon, mangmanged ken petiburgesya tapno mas pay epektibo a masango ti kabusor ken dagiti programa tayo para iti panangiyabante ti agraryo a rebolusyon. Kasapulan a maallukoy ti nalawa nga intar ti masa tapno suportaran ken direkta a makilaok da iti gubat ti umili.

Nalawag ti kasasaad ken ti turongen. Isunga nalawag met laeng dagiti masapul nga aramiden. Kariten ti bukod a bagi a mangrimbaw kadagiti kakapuyan ken gun-oden dagiti dakdakkel pay a balligi para iti Partido ken para iti rebolusyon. ✎

Agbiag ti Bagong Hukbong Bayan!
Agbiag ti Partido Komunista ti Pilipinas!
Agbiag ti lumablaba nga umili!



AGPUSIGE PARA ITI DADAKKEL PAY A BALLIGI ITI PANANGIYABANTE TI GUBAT TI UMILI!

Magno Udyaw
Tagapagsarita
BHB - Mt. Province

Makikaykaysa ti Leonardo Pacci Command (BHB - Mountain Province) iti amin a rebolusyonaryo a puersa ken umili a Pilipino iti panangselebrar ti maika-50 nga anibersaryo ti Bagong Hukbong Bayan. Iti daytoy a gundaway, tan-awan tayo ti amin a balligi ti 50-tawen a pannakidangadang ken agpapigsa para iti panangipatungpal kadagiti dadakkel pay a balligi tapno maiyabante ti gubat ti umili agturong iti estratehiko a panagpapatas.

Iti daytoy nga okasyon, saluduan tayo ti amin a Nalabaga a kumander ken mannakigubat, opisyal pangpulitika, ken dagiti milisya a sipupuso ken awan panagduadua a nangidaton ti biag da iti panagserbi iti masa, kadagiti mannalon, mangmangged ken nailian a minoritya. Naregget nga intandudo ken sinalakniban da ti interes ti umili a Pilipino ken situtured da a sinango dagiti atake ti pasista a tropa ti rehimen a US-Duterte.

Pa dayawan tayo dagiti masa nga anak ling-et a naregget a nangiyabante iti armado a pannakidangadang, ken dagiti alyado ken gagayem a nagtalinaed a napinget a sumupsuporta iti rebolusyonaryo a tignayan.

Ikkan tayo ti kangatuan a pammadayaw ti amin a martir ti rebolusyon, a no iti partikular iti probinsya ket ni Noe "Ka Gilbert" Magkachi, maysa a kabataan a naggapu iti Bontoc a pimmasay idiy Mainit idi Agosto 2018. Ti kangatuan a panagsakripisyo na ket mangpataud iti baro a henerasyon dagiti agkabannuag ken natutured

a Nalabaga a mannakigubat manipud iti ili a naggapuan na ken iti intero a Cordillera.

Iti sango ti awan sarday a pasista nga atake ti rehimen a US-Duterte laban iti umili ken rebolusyonaryo a tignayan, tuloy-tuloy a dimmakel ti BHB. Narimbawan na met laeng dagiti nairteng nga opensiba ken

29. Aktibo met laeng a nagdepensa daytoy bayat nga agipatpatungpal kadagiti pangpulitika a trabaho a panangriing, panangorganisa ken panangpatignay iti masa. Maibilang met laeng ti naballigi nga opensiba idi Hulyo 15, 2018 no sadino ket nakakumpiska dagiti Nalabaga a mannakigubat ti uppat a riple a nangato ti kalibre na.

Babaen iti panangidaulo ti Partido Komunista ti Pilipinas (PKP), natibker nga ipatpatungpal ti LPC ti atas a buraken ti pasista a makinarya ti estado a kas iti Armed Forces of the Philippines (AFP), Philippine National Police (PNP), ken Citizen Auxiliary Forces Geographical Unit (CAFGU). Dagitoy ti agserserbi kas puersa a pangseguridad dagiti dadakkel ken mananggamrud a kumpanya iti enerhiya, panagtroso

ken minas. Isuda met laeng ti responsable iti saan a mabilang a panaglasing iti karbengan tao.

Inpalak-am ti LPC dagiti disnog ken nakakumpiska ti ramit manipud kadagiti yunit ti 54th Infantry Battalion, 81st IB, ken RMF. Daytoy ti pakakitaan ti agtultuloy



nakapokus nga operasyon militar ti kabusor.

Manipud idi napalabas a tawen, naisayangkat ti LPC ti mano a taktikal nga opensiba - a ti kabaroan ket ti panagambus kadagiti tropa ti Regional Mobile Force (RMF) idiy Bauko idi Marso

a panangrimbaw kadagiti tendensya ti konserbatismo militar kasta met iti dadduma pay a kakapuyan a naitudo ti agdama a tignayan iti panangilinteg.

Iti sango ti permanente a panagatras ti rehimen a Duterte iti tungtongan iti kappia iti National Democratic Front of the Philippines (NDFP), ti LPC ket mangirussuat kadagiti napigpigs a ken dadakkel pay nga opensiba laban kadagiti armado a puersa na a mangminmintina ti agdama a sistema para kadagiti imperyalista, dadakkel a burgesya kumprador ken apo't daga. Isuda dagiti pudno a mangsabsabotahe iti kappia ken nabayagen a mangidadanes iti umili.

Tumaktakder para iti nainkalintegang ken pangmabayagan a kappia, saan nga agbuteng ti LPC iti panangharas ken panangkigkigtot ni Duterte. Kasta met a saan a pumauneg daytoy iti mananglimlimo



a lokalizado a tungtongan iti kappia, ken saan nga umannugot iti mananglipit a patakaran iti "peace zone" ken manangallilaw a kampanya iti panagpasurender.

Iti tengnga ti kumarkaro a sosyo-ekonomiko a krisis ken panangdidigra dagiti pasista nga atake ti rehimen a US-Duterte, ad-adda a lumawlawag ti kinahusto ti panangirussuat ti armado a pannakidangadang.

Kas pudno a hukbo ti umili ti Mt. Province, ti LPC ket nanggeddeng a mangipatungpal kadagiti atas na a nakakumpas iti intero a rebolusyonaryo a tignayan tapno patakiasen ti rehimen a US-Duterte, iyabante ti gubat ti umili, ken manggun-od kadagiti dadakkel a balligi para iti umili a Pilipino. Iyabante na daytoy inggana a magun-od ti pudno a demokrasya, hustisya, kappia ken wayawaya!





ITULTULUY TI NARIMAT A PAKASARITAAN DAGITI NAILIAN A MINORYA ITI PANNAKILAOK ITI GUBAT TI UMILI

Simon "Ka Filiw" Naogsan Sr.
Tagapagsarita
Cordillera People's Democratic Front
Marso 29, 2019

Ipadpadanon ti Cordillera People's Democratic Front ti nairut a pannakikaykaysa iti Bagong Hukbong Bayan iti selebrasyon ti maika-50 nga anibersaryo na iti Marso 29 ti daytoy a tawen. Iti laksid dagiti panangpadakes nga ipurpuruak dagiti nagsasaruno nga aso-aso a rehimen, ti rebolusyonaryo nga armado a pannakidangadang nga irusrussuat ti BHB a tartarabayan ti Partido Komunista ti Pilipinas ket nagballigi iti panagbalin a silaw ti namnama para iti amin a maidadanes ken magungundawayan nga umili iti intero a pagilian.

Iti Cordillera, saan a mailibak ti pinapel ti rebolusyonaryo a pannakidangadang iti panangiyabante iti laban dagiti nailian a minorya para iti bukod-a-pangngeddeng ken demokrasya. Manipud idi bimmaddek ti umuna a yunit ti BHB idiy Ifugao idi 1971, napardas a nagpalawa daytoy iti innem a probinsya ti Cordillera. Iti maudi a paset ti 1970s, nakaramut daytoy iti nadumaduma a nainsigudan a tribu iti Cordillera. Ti panangipatungpal ti naregta a gawaing masa, panggimong a panagsukisok ken panagadal iti partikular a kasasaad dagiti nailian a minorya iti rehiyon ken ti husto a linya a masa ti nagbalin a tulbek iti panangiyabante ti rebolusyon iti daytoy a kabambantayan. Ti husto a panangiggem iti partikularidad ti dangadang dagiti nailian a minorya para iti bukod-a-pangngeddeng ken demokrasya ket napatadem babaen iti tuloy-tuloy a praktika. Ti rebolusyonaryo a

tignayan met laeng ti umuna a nang-adal iti pakasaritaan ken dagiti kasasaad a pakaigapuanan ti nailian a panangidadanes kas partikular a problema a bakbaklayen ti umili ti Cordillera. Daytoy a partikular ken agtultuloy a panagadal ti nangibunga kadagiti dokumento a kas iti Espesyal a Kurso Iti Nailian a Minorya ti Cordillera, ti Konstitusyon ken Linteg ken ti 10-Punto a Programa ti Cordillera People's Democratic Front (CPDF).

Ti dangadang laban iti Chico Dam ken Cellophil ket maibilang kadagiti umuna a breyktru iti pananglaban iti tiraniko a turay ti diktadura a Marcos. Dagitoy a pannakidangadang, kasta met ti nadumaduma a kampanya a masa a nairussuat iti nadumaduma a probinsya ti Cordillera karaman dagiti lugar nga adda iti beddeng ti Ilocos Sur, kas iti dangadang laban iti minas, panangbawi iti Marcos Park idiy Taloy Sur, Tuba, Benguet; ti Regionalization and Beyond ken dadduma pay ti nangpabaked iti pangngeddeng ti umili a natibker a depensaan ti daga ken rekurso laban kadagiti manangagaw ti daga ken manangsakup a mangpanggep

a gamruden dagiti aneutral a daga iti nagan ti makunkuna a "panagdur-as." Nabara nga inarakup ti masa ti BHB kas pudno a hukbo laban kadagiti reaksyunaryo a mersenaryo ti estado. No saan a gapu iti naregget ken napinget a pannakidangadang dagiti nailian a minorya a tinulongan ti hukbo ti umili tapno salakniban ti aneutral a daga, nabayagen a naawan ti Cordillera iti ima dagiti umili.

Dagiti kabataan, propesyunal, tao ti simbaan ken dadduma pay a sektor iti Cordillera ket nagakem met laeng ti papel iti panangisaknap ti nailian-demokratiko a rebolusyon ken panangibutaktak kadagiti inhustisya laban kadagiti nailian a minorya, maibilang dagiti protesta laban iti Grand Cañao ken naparang a protesta laban iti diskriminasyon kadagiti Igorot. Signipikante a bilang dagiti kabataan ti Cordillera manipud iti syudad ken kaaw-awayan ti timmipon iti dangadang tapno depensaan ti daga ken magun-od ti nanamay a masakbayan. Immaweng ti panagabante ti armado a pannakidangadang iti Cordillera idi maikadua a paset ti dekada 80. Ti panagsina ti traydor a paksyon a Cordillera People's Liberation Army (CPLA) ni Conrado Balweg ket saan a nanglapped iti panagdakkel ti puersa ti BHB.

Ti rebolusyonaryo nga armado a pannakidangadang dagiti nailian a minorya ti Cordillera ket nagalimpatok iti panangitakder ti CPDF idi 1981 agpangato. Manipud ditoy, nareppet ti panagkaykaysa ti nadumaduma a tribu ken sektor tapno ilaban ti pagimbagan da ken ti wayawaya ti intero a pagilian.



Babaen met laeng iti CPDF, nabukel dagiti umuna nga organo ti pangpulitika a bileg kadagiti sulsulinek a paset ti Cordillera, luglugar a nabayagen a binaybay-an ti gubyrno. Iti panangbukel kadagiti Village ken Municipal Council of Leaders iti nadumaduma a munisipyo, damo a napadasan ti umili ti pudno a demokratiko a pangpulitika a bileg. Dagiti positibo a kapadasan a naadaw ditoy ti nangipakita iti aso-aso a gubyrno a nakabase idiyay Manila a kabaelan ti umili ti bukod a panaggubyrno. Daytoy a bileg ti nanggunon kadakuada ken nangiduron nga usaren ti amin a rekurso a naggapu iti imperyalista nga amo da tapno lapdan ti panagtaud ti daytoy a bileg ti umili babaen iti ranggas.

Iti agdama, adu dagiti karit a kasapulan a sangoen. Ti agtultuloy a pannakadadael ken pananggamgam iti aneutral a daga ti Cordillera ti nangipaay ti kumarkaro a pannakadadael dagiti nainsigudan a sistema a sosyo-pulitikal ken kultura. Tapno maaddaan ti awan lapped a panangkontrol iti daga ken rekurso ti Cordillera, inbulos ti rehimen a US-Duterte ti amin-a-beneg nga opensiba laban iti umili ti Cordillera. Pinapigsa manen dagiti reaksyunaryo a pulitiko a taga-Cordillera ti kampanya a bogus nga autonomiya ti Cordillera, aglalo ta nalpasen a naaprubaran ti Bangsamoro Autonomous Region in Muslim Mindanao (BARMM). Narimbaw latta ti atrasado nga agrikultura, a pakpakaroen ti panagbaybay-a ti gubyrno. Nagbalin a tagilako ti kultura, kas makita iti dumakdakkal a bilang dagiti nakaturong iti turismo ken para iti pagnegosyoan ken pagganansyaan a festivals a tumataud manipud iti amin a probinsya inggana kadagiti barangay. Maisaksaknap ti bulok nga imperyalista a kultura, lalo iti intar dagiti kabataan ti Cordillera para iti panggep a punasen ti militante a tradisyon ti umili ti Cordillera ken pagbalinen ida a natulnog a mangiwarwaragawag ti burges-dekadente a kultura. Tapno mapaulimek ti oposisyon ti umili kadagiti proyekto a kas iti dadakkal a minas, dams ken enerhiya, pinairteng ti rehimen a US-Duterte ti militarisasyon ken saywar kadagiti komunidad ken progresibo nga organisasyon dagiti mannalon, kababaihan ken kabataan. Iti panggep nga iyadayo dagiti kabataan ken mannalon ti Cordillera iti dana ti panaglaban ken buraken ti panagkaykaysa dagiti tribu, pagbalinen ti estado isuda kas mabaybayadan a mersenaryo ti estado babaen iti panangrekrut kaniada iti militar ken paramilitar a CAFGU. Dagiti nainsigudan a sosyo-pulitikal a sistema a kas iti dap-ay ken bodong ket maigamgamer tapno mausar dagitoy iti programa a kontra-insurhensiya ti gubyrno, a nangipaay ti riribuk iti intar dagiti komunidad.

Iti laksid dagiti pammardaya ken panangpadakes



ti rehimen a Duterte, nauneg a resrespetaren ken ipatpateg dagiti nailian a minorya ti Cordillera ti BHB gapu iti kinapudno a naipakita na ti prinsipyado a kamulatan ken sibubukel a pangngeddeng nga ilaban ti interes ken pagimbagan ti umili. Saan a malipatan ti umili inggana iti agdama no kasano nga inrussuat ti BHB dagiti kampanya laban iti antisosyal nga aramid kas iti sugal, panagtakaw ken aramid dagiti kuraddog kadagiti komunidad. Timmulong met laeng ti BHB iti demokratiko ken saan a nadara a panangrisut ti adu a risiris iti intar dagiti tribu ken klan, a maisupadi iti aramid ti AFP a sugsgogan na dagiti tribal a risirisan inggana iti panagturong kadagiti tribal war. Inrussuat met laeng ti BHB dagiti kampanya nga agraryo kadagiti komunidad. Ken nangruna iti amin, ti BHB laeng ti nagtalinaed a natibker a timmakder iti sibay ti umili ti Cordillera iti las-ud ti mano a dekada iti dangadang para iti daga ken rekurso laban kadagiti mananggamgam

ken manangdadael a proyekto dagiti dadakkal a kumprador ken imperyalista. Dagiti aksyon a pannusa a kas iti naipatungpal laban iti dakkal a kumpanya iti minas a Philex Mining Company ken Lepanto Consolidated Mining Company idi 2017 ti pakakitaan ti daytoy nga agtultuloy a pangngeddeng.

Makikaykaysa ti CPDF iti BHB iti panangitultuloy ti laban para iti wayawaya ken nailian a demokrasya. Natibker a taktakderan ti CPDF a babaen laeng iti naan-anay a panagballigi ti nailian-demokratiko a rebolusyon ken ti sumarsaruno a sosyalista a rebolusyon a naan-

anay a magun-od ti karbengan dagiti nailian a minorya iti bukod-a-pangngeddeng ken demokrasya. Bayat a mairusrussuat ti armado a rebolusyon iti agdama, itultuloy ti CPDF a mangidaulo iti laban dagiti nailian a minorya laban iti tallo a basaran a problema ti imperyalismo, burukrata kapitalismo ken pyudalismo ken ti partikular a problema ti nailian a panangidadanes. Itultuloy ti CPDF ti pannakipaset iti tallo a kangrunaan a rebbengen ti BHB iti nalawa a kaaw-awayan, nga isu ti armado a pannakidangadang, panagbukel ti base a masa ken agraryo a rebolusyon. Kasta met a sibubukel nga itandudo ti CPDF ti kinapateg ken kinakasapulan ti armado a pannakidangadang kas kangrunaan nga armas iti panangipagna kadagiti laban ti umili. Nayon na, ad-adda nga agpursigi ti CPDF iti panagpamulat iti adu nga umili, lalo ti kabataan ti Cordillera maipanggep kadagiti nasken nga isyu ti pagilian ken panang-allukoy kaniada a makipaset iti dangadang ti umili ken kangrunaan iti armado a pannakidangadang. Gapu ta ti hukbo ti umili ti pudno a sadiri ti pigsa ken pudno a hukbo ti umili. ✎

Iti okasyon ti maika-50 a tawen ti BHB, paspasingkedan ti NDF-Ilocos ti komitment iti armado a pannakidangadang

Ka Rosa Guidon

Tagapagsarita

National Democratic Front-Ilocos

Kabkblaawan ti National Democratic Front (NDF) – Ilocos ti Bagong Hukbong Bayan iti panangselebrar ti 50 a tawen ti natibker nga armado a pannakidangadang laban kadagiti kabusor ti umili. Dagiti rebolusyonaryo a puersa ti Ilocos ket mangipadpadanon ti kangatuan a panangbigbig kadagiti kameng ken kumander ti kakaisuna a pudno nga hukbo ti umili a Pilipino.

Nalabaga a panagsaludo iti amin a martir a nagsakripisyo ti biag para iti demokratiko a rebolusyon ti umili. Ti kontribusyon da ket agnanayon nga agbalin a silaw a tarabay ti amin a rebolusyonaryo.

Amin dagiti naaramidan ken sakripisyo ti Nalabaga a hukbo tapno iyabante ti dangadang ti umili ket mangipakita iti kinapinget a pagserbian dagiti maidadanes ken magungundawayan a dasig iti gimong a Pilipino. Kasubalit, ti suporta ken aktibo a partisipasyon ti umili iti armado a rebolusyon ti mangted ti pigsa iti BHB nga umabante iti sango dagiti nadangkong ngem inutil a gandat ti agturturay a dasig a rebbeken

ti demokratiko a rebolusyon ti umili. Ti sigurado a panagballigi ti armado a pannakidangadang ti nalinteg a resulta ti kastoya dialektikal a relasyon iti baet ti umili ken ti rebolusyonaryo a hukbo. Paspasingkedan ti NDF – Ilocos a babaen laeng iti armado a pannakidangadang a magun-od ti nailian a balligi

laban iti tallo a basaran a problema ti imperyalismo, pyudalismo ken burukrata kapitalismo.

No awan ti BHB, awan ti salaknib ti umili laban iti atake dagiti burukrata kapitalista, dadakkel a burgesyua kumprador ken apo't daga a mangipatpatungpal ti diktar dagiti imperyalista a bileg. Babaen iti BHB, uray dagiti atrasado a paset ti kaaw-awayan ket maitransporma kas sadiri ti Nalabaga a bileg pangpulitika. Dagiti komunidad ti mannalon, iti panagtarabay ti Partido Komunista ti Pilipinas, ket mangipatpatungpal ti demokratiko a bukod a panagguberno. Tumultulong ti BHB kadagiti plano iti panangpadur-as iti bukod nga ekonomiya, edukasyon ken teknikal a kabaelan ti umili ken ti kapasidad da a depensaan ti bukod a teritoryo.

Gapu ta saan a marebbek ti BHB, ti maaramidan laeng ti agbibisin iti dara a rehimen a US-Duterte

ket ti panaggandat a paulimeken ti panaglabaan ti umili ken ti panangusar ti nakaro a ranggas iti saan nga armado a populasyon. Iti panangipatungpal ti Oplan Kapayapaan, kimmaro ti militarisasyon kadagiti sibilyan a komunidad iti rehiyon. Dagiti progresibo nga indibidwal ken organisasyon ket tuloy-tuloy a ma-Red tag, mapababutngan ken maipilaan kadagiti parparbo a kaso. Iyar-aramid dagiti ahente ti militar ken pulis ti awan sarday a surbeylans laban kadagiti indibidwal a sibilyan ken dagiti institusyon a para iti panagduras. Us-usaren ti AFP ti bukod a kontra-insurhensya a kampanya kas pagkuartaan babaen iti panangpuersa

kadagiti sibilyan nga agsurender kas kameng ti BHB.

Ngem dagitoy nga atake ti mangpaneknek a ti Armed Forces of the Philippines ken ti Philippine National Police ket agserserbi kas babaunen dagiti agturturay a baba knang.

Kasta met a

daytoy ti marka ti desperasyon ti administrasyon a makapuntos laban iti dumakdakkel ken pumigpigsa a rebolusyon ti umili.

Dagiti atake laban iti pang-ekonomiya a kasasaad ti umili ket maysa pay a krimen ti administrasyon a Duterte a masapul a maisingir. Awan sabali nga inpaay ti panangipatungpal iti Tax Reform for Acceleration and Inclusion (TRAIN Law) no di pang-ekonomiya a padagsen kadagiti marigrigatan unayen nga umili a Pilipino. Dandani saan a malasatan dagiti mannalon iti katabakuan ti siklo ti palalo a panaggundaway a saan nga agresulta ti nayon a pastrek no di nadagsen a parikut. Bakbaklayen ti ngumatngato a presyo dagiti magatgatang ken serbisyo gapu iti kabaroan a linteg iti buwis, agpada a mapasaran dagiti mannalon ken saan a mannalon ti saan a maartapan a panagsagaba gapu iti



pang-ekonomiko a kinaulpit ni Duterte ken ti panggep na nga agurnong ti kadakkelan a burokratiko a kikkak para iti bukod ken iti pamilya na. Dagiti mangmangged iti rehiyon ket nakaawat laeng ti maregmeg a P30 a panangngato ti sueldo ken maysa kadagiti kababaan ti sueldo iti intero a pagilian.

Ti panangidadanes iti pulitika ken ekonomiya ti mangpataud ti napinget a panaglapan ti umili. Napaneknekan iti pakasaritaan daytoy idi pinatakias ti umili ti diktadura a Marcos idi 1986 – nga idolo ti agdama a tirano iti Malacañang – ken napinduaan iti panawen ti rehimen nga Estrada idi 2001. Itatta, kalpasan ti nganngani 20 a tawen, naluom manen ti panawen para iti panagdalluyon ti bileg ti umili laban iti maysa a lokal, napangas ken salawasaw a Hitler idiyay Malakanyang. Ti panangpatakias kenni Duterte ket mabalina a mapasamak bayat nga umad-adu ti puersa nga agkaykaysa laban iti despotiko a turay na.

Ti basaran nga alyansa dagiti mangmangged ken mannalon ti agserserbi kas duri ti amin nga istrategiko ken taktikal a panagkaykaysa ken ti rebolusyonaryo a tignayan ket tumaktakder a mangkaykaysa kadagitoy

a puersa para iti panangpatakias kenni Duterte iti turay. Napatpateg pay, inkeddeng na ti panangitakder kadagiti alyansa ken panagkaykaysa para iti ad-adda a panangiyabante ti armado a pannakidangadang. Namnamaen ti BHB a dagiti kameng ti NDF – Ilocos



a naregta a sumuporta iti armado a rebolusyon gapu ta babaen laeng iti balligi na daytoy nga agbalin a posible ti panangagaw ti umili ti bileg pangpulitika ken aramaten daytoy laban kadagiti manangidadanes ken managgundaway a dasig. Agpanpanawagan ti NDF-Ilocos kadagiti individual nga adda kabaelan a tumipon iti BHB ken makipartisipar iti nainkalintegangan a gubat laban kadagiti kabusor ti umili. Iti uneg ti panangidaulo ti PKP, ti BHB ken ti NDFP ti

kapipigsan ken epektibo nga armas ti umili para iti pananggun-od iti nailian demokratiko a wayawaya ken ti panangitakder ti sosyalista a gimong. ✎

Agbiag ti maika-50 nga anibersaryo ti Bagong Hukbong Bayan!

Agbiag ti maika-50 nga anibersaryo ti Partido Komunista ti Pilipinas!

Agbiag ti umili a Pilipino!

Kangatuan a panagsaludo iti Bagong Hukbong Bayan iti maika-50 nga anibersaryo ti panangirussuat ti gubat ti umili!

Rev. Fr. Neo Padre Aglipay

Tagapagsarita

Christians for National Liberation-Northern Luzon

Iti daytoy a naimbalitukan nga anibersaryo ti BHB, dakami iti Father Nilo Valerio Unit (FNVU) a paset ti Christians for National Liberation ditoy Northern Luzon (CNL-NL) – ken amin dagiti progresibo ken mangsupuporta iti CNL manipud iti intar dagiti Kristiyano ken dagiti simbaan da, ket mangipadpadanon ti naimpusoan ken kangatuan a panagsaludo kadagiti Nalabaga a kumander ken mannakigubat ti BHB. Ken bayat nga iselebrar ti 50 a tawen ti armado a pannakidangadang ti BHB, ikkan tayo ti kangatuan a pammadayaw dagiti martir ken banuar ti umili a Pilipino, maibilang dagiti naggapu iti sektor ti simbaan a nangidaton ti biag iti panangipatungpal ken panangpairteng iti naunday a gubat

ti umili para iti panangiyabante ti nailian-demokratiko a rebolusyon. Iti agdama, ti agtultuloy ken kumarkaro a krisis ti sangalubongan a kapitalismo ken ti sistema a pagnumnumaran dagiti apo't daga ken burgesya kumprador, saan nga agduadua ti CNL ken ti intero a maidadanes nga umili nga umabante ti nailian-demokratiko a rebolusyon babaen iti naunday a gubat ti umili. Dagiti naurnong a balligi iti las-ud ti lima a dekada ti pundasyon ti Partido Komunista ti Pilipinas ken Bagong Hukbong Bayan, kaduana ti mano a rehimento ti armado a masa a Pilipino a mangiyabante ti armado a rebolusyon inggana a magun-od ti nailian a wayawaya ken demokrasya ti umili iti intero a

pagilian.

Iti maysa a bangir, ipangpangas ti rehimen a US-Duterte ken dagiti pasista a kumander ti AFP-PNP a babaen iti 'Whole-of-Nation Approach' ket magibusan da ti armado a rebolusyon ti umili a Pilipino inton 2022. Ngem ti arapaap ni Duterte ket sibubukel a mapaay gapu ta ti "12 pillars" ken ti binukel na a "National Task Force" ket saan a mangsungsubat no di mangpakaro iti ramut ti armado a labanan, nga isu ti imperyalismo nga US, pyudalismo ken pyudalismo a mangilumlumlom iti masa a Pilipino iti kinarigat. Iti kinapudno, ti "Whole-of-Nation Approach" ni Duterte ket pasismo ti estado a mangitultuloy a mangpatpatay kadagiti lumablapan



a mangmanged, nakurapay iti syudad, mannalon, nailian a minorya, kabataan, abugado, tagasalaknib ti karbengan tao, tao ti simbaan ken uray dagiti kabusor iti pulitika ni Duterte. Ti "12 Pillars" ni Duterte ket mangpakaro iti sosyo-ekonomiko a kasasaad ti umili a Pilipino babaen kadagiti nangato a

buwis ken linteg a TRAIN, nalabes nga utang pangruar para kadagiti proyekto ti "Build, Build, Build", implasyon, kontraktwalisasyon, nababa a sueldo, korapsyon ken panangidaulo iti smuggling ken panangilako ti droga iti linged ti 'gyera kontra-droga.' Ken tapno maisigurado ti nasayaat ken epektibo a panangipatungpal iti "Whole-of-Nation Approach", minandaran ni Duterte ti aso-aso nga AFP ken PNP a kontrolen ken usaren ti "National Task Force" tapno imilitarisa ti intero a nailian ken lokal a burukrasya. Iti kastoy, inpauneg na ti intero a pagilian iti saan a deklarado a linteg militar.

Kagiddan daytoy, inpuerto ni Duterte dagiti dati nga opisyal ti militar iti nadumaduma nga ahensya ti guberno ken minandaran na ti militar ken pulis a makibiang iti umay nga eleksyon tapno maisigurado a dagiti paspasurot na ti makatugaw iti kongreso ken dagiti lokal a guberno. Babaen iti pasista a militar ken pulis, napairteng dagiti surbeylans, awan basaran a panangtiliw, red-tagging ken ti paulit-ulit a panangipila ti parparbo a kaso laban kadagiti ligal a demokratiko a puersa ken amin a kritiko ken oposisyon iti pulitika, karaman dagiti konsultant ken panelist ti NDFP para iti tungtongan iti kappia. Ken kalpasan a pinugsat da ti tungtongan iti kappia iti nagbaetan ti GRP ken NDFP babaen iti Proclamation No. 360, puerpuersaen ni

Duterte ken ti pasista a militar ken pulis dagiti ahensya ti guberno nga ipatungpal ti lokalizado a tungtongan iti kappia nga iwanwan da. Ngem agtaltalinaed ti kinapudno a ti lokalizado a tungtongan iti kappia ket saan a mangsolbar kadagiti ramut ti naunday a gubat ti umili nga irusrussuat ti BHB ken armado a masa a Pilipino, ken saan a mangsungbat iti tarigagay ti umili a Pilipino para iti nainkalinteg ken pangmabayagan a kappia.

Kas guggop, ti "Whole-of-Nation Approach", ti "12 Pillars" ken "National Task Force" ni Duterte ket saan a sungbat wenno manggibus iti armado a labanan. Iti kinapudno, naragsak dagiti Nalabaga a kumander ken gerilya a puersa ti BHB gapu ta ni Duterte ken dagiti reaksyunaryo nga armado a puersa na ti nagbalin a kapipigsan a rekruter para iti BHB. Isuda ti mangidurduron iti masa a Pilipino nga agarmas ken tumipon iti BHB tapno irussuat ti naunday a gubat ti umili para iti nailian a wayawaya ken demokrasya. Iti panangpugsat ti tungtongan iti kappia ti baet ti GRP ken NDFP, idurduron ni Duterte ken ti AFP-PNP ti masa nga agisayangkat ti naunday a gubat ti umili tapno iyabante ti nailian-demokratiko a rebolusyon ken tuloy-tuloy nga itakder ti rebolusyonaryo a guberno ti umili a Pilipino, iyabante ti agraryo a rebolusyon ken gun-oden ti nailian nga industriyalisasyon ken iti amin a panawen ket tumakder para iti nailian a soberanya ken demokrasya. Daytoy a sibubukel a rebolusyonaryo a proseso, inggana a magun-od ti nailian a balligi, ti sigurado a mangrebbek iti naindasigan a diktadura ti dadakkel nga apo't daga ken kumprador burgesyua. Daytoy met laeng ti manggibus iti kinaaso-aso ti estado iti imperyalismo nga US, neoliberalismo, pasismo, korapsyon, ekonomiko a pananggamgam, panangikuspil ken panagabusu, ken kinarigat ti umili a Pilipino, tapno mairugi ti sosyalista a konstruksyon iti intero a pagilian. ✎

Agbiag ti Bagong Hukbong Bayan!

Tumipon iti BHB ken iti gubat ti umili!

Iyabante ti gubat ti umili iti nangatngato a tukad inggana iti naan-anay a nailian a balligi!



LIMAMPUNG TAON **Ka Reese**

Ang ginintuang taon
Ay panahon ng pagbabangon
Pagbabalik-tanaw sa nakaraan
Bilang armas at gabay na tangan
Sa pag-igpaw at pagsulong ng kilusan



Limampung taon
At patuloy na dumadaluyong
Ang himagsikang makasaysayan
Sa simula pa lamang
Inihayag na ng putok ng digmang bayan
Ang paglaganap ng makauring pakikibaka
Sa buong kapuluan

Limang dekada na ang pinagdaanan
At di pa rin natitinag ang paglaban
Pumaroo't parito na ang ilang rehimen
Ngunit kanilang ipinagmamayabang na paggapi
Atin pa ring binibigo hanggang sa kasalukuyan

Sa pagdatal ng ikalimampu, kasama
Muli nating sariwain ang kasaysayan
Mga kasamang nagbuwis alang-alang sa bayan
Ay ating gunitain
Bigyang pugay ang mga nanatili't nagpunyagi
Bagama't pinahina na sila ng panahon
Ating itaguyod at paunlarin
Mga ipinundar na simulai't gawain

Sa ikalimampung taon
Magpaalingawngaw tayo't magpadagundong
Mula sa Hilaga hanggang sa Katimugan
At saan mang sulok ng kapuluan
Ngayon higit kailanma'y
Di dapat panghinaan
Mga gabay mahigpit na panghawakan
Sumulong, magpaunlad
Magkaisa sa panawagan
Itaas ang antas ng digmang bayan!

